

EQVITIS POL



7 F 30

Prophetia S. Fuldegardis Brocii T. XV.
Fol. 465.

Saluatores nominantur. ab Equite fol. 4.

1626

Ioannis Brocii Curzelomensis
Medicus Doctoris ordinarii
Astrologi. post mortem ipsius
Bibliotheca maioris Collegii in
Academia Cracouiensi. rogat
autem ut omnia quae hic inser-
ta sunt, integre ad posteritatem
conseruentur alioquin unitatem hanc.

Destruenti anathema
Conseruanti benedictio.

intellectus
iudicat
veritatem

IX. 10. 1.

Contactus.

ad punctum

Vulgaris hic oculus caligabit diffidens plurimum.
Procul este prophanus.

1. uniuersum egr. audiuit ex ore Frederici Sebastiani
 laputa. gaudium et alii. Zaharym uero pungen
 Accusatus studuit uacui. Bismum consuevit nulli modo
 Conturbata in hoc volumine. Scire potuit alio, quam
 ex relatione laputae. hanc deam
 offam ad or
 nantium.
1. Equitum Poloni actio in laputa prima
 2. Spongia contra Equitum Rasiu
 3. Actio Arnaldi in Parlamento Parisiensi
 4. Passaratu. de rudibus
 5. Actio Pauli quinti pro Republica Veneta Oratio
 6. Grati deliberatio de componendo amodo coram laputa
 7. Odoratus na. hylusit pperuho laputem. hanc deam
 8. Responsio ad representationem laputae
 9. De Ignatio Corio Zaharym Calissimorum
 10. Obsequium pperuho laputae. hanc deam
 11. Tarsia obuij pperuho procy
 12. Vindicta aduersus Zaharym
 13. Conspectus conuicti Zaharym
 14. Euculatio Borasi. stylo diuissimo
 15. Grati. pperuho, Conspectus.
 16. Epistola euculatio ad quendam
 17. Ad funebrem Regis Polonae scripta. hanc deam
 18. Widok. hanc deam. hanc deam. hanc deam.
- Destinatio. hanc deam.
 Conspectus. hanc deam.

inter 9 et 10 reperitur Proca Davidowa Zaharym Calissimorum
 in ista loca non exprimitur. scriptum malitiam ab ipis laputa consensum
 sub nomine Zaharym. Proca Davidowa Zaharym Calissimorum. omni animi quid in illis

Ican. Manana. Hispania. defectus. l. 120
 Antiqui temporibus qui ex Monachis Episcopi assumunt
 Antiqui exhibent numerum rex luit, restituta
 vna aut alterum eorum non tam de integritate
 quam multis antebus ambrosius eundem esse possit
 consideramus. Vnde l. 120. dicitur.

pedagog

31. 1-19.

vario

Cism. 5122-5140



Pedag. pol. 202-220.

XIX. d. 24.

206

A D

PAVLVM V.
PONTIFICEM
MAXIMVM

PRO
REPVBLICA
VENETA.

Oratio.



*Pauli Veneti Servit^{us}
qui mortuus est anno
1624 Venetiis
17^{to} Februarii*

MDC VII.

PAVAVM
MONTICM

MONTICM

PRO


REPUBLICA

Cur 5626

PRO

Handwritten notes in the bottom left corner, including the word "MONTICM" and other illegible text.

Handwritten notes in the bottom right corner, including the word "MONTICM" and other illegible text.



A D

PAVLVM V. PONT. MAX.

PRO REPUBLICA VENETA

Oratio.

QUIS mihi tribuit, ut cognoscam, & inueniam illum, & veniam usque ad solium eius? Ponam coram eo iudicium, & os meum replebo disceptationibus. Nolo multa fortitudine contendat mecum, nec magnitudinis suæ mole me premat. Proponat æquitatem contra me; & ad victoriam perveniet iudicium meum.

Antiquissimus, tolerantissimusq; ille Arabs, an Idumæus, quem neque filiorum interitus, nec rei familiaris naufragium, nec acerbissimi corporis cruciatus, nec uxoris imprudentia, nec amicorum iurgia de gradu constantiæ deicere potuerunt, ut scis, Beatissime Pater, his verbis est usus. Quæ ego nuper cum legerem, tacita animum subijt cogitatio, fas ne mihi, tanti viri sequi vestigia augustissimumq; ad Tribunal tuum accedere, & paulò liberius tecum, ea de re, qua nulla mihi gravior, aut ad doloris sensum accerbior unquam accidit, te ipso iudice, & arbitro, (quo enim possim alio?) disceptare. Et quoniam optimū, ac præstantissimum illum hominem, quanquam tam liberè locutum, nusquam legimus à Deo Opt. Max. arrogantia, aut temeritatis condemnatum, quin potius contra summè laudatum; iccirco magnam spem cœpi fore, ut & tu, qui Dei vicem in terris geris, & mortalibus præses, mortalis tamen, mihi non tam pro me, quam pro Patria quæ optimo cuique debet esse vitâ carior, differenti facilem aurem dares, & pau

lisper cum altitudinis oblivisceris tuæ, tum mediocritatis, & tenuitatis meæ. Audi igitur obsecro B. P. & si quid æqui boniq; attulero, lubens amplectere. Sin aliquid fortè peccaro, (Quis autem est, qui solo tam lubrico sine prolapsione ingredi possit?) ne id continuò malitiæ adscribito, sed vel incitiæ, vel nimix in Patriam caritati; illudque in primis pro explorato habero, me nunquã culpæ pertinaciam additurum. Quod ut magis perspicuum sit, ita prædico, & disertè quidem, ac bene Romanè testor. *Quicquid hîc factum, dictumve, quod à Fide Catholica, aut Sanctorum Patrum scîris abhorreat, infectum, indictumve esto.* Sed ad rem venio.

Urbi Venetæ, cunctisq; Civitatibus, oppidis, municipijs, quæ intra Veneti Imperij fines continentur, sacrorû usu interdixisti, Serenissimû Principem nostrum, qui cum virtute, integritate, prudentia, tum vitæ ipsius, pro suis civibus, effundendæ cupiditate, cum veteribus illis Decis Curiis, Regulis, Catonibus, alijs eiusmodi viris, meritissimò conferri potest, in numero impiorum habendum iudicasti, Senatum illum, quo nullus in terris amplior, magnificentior, augustior, Christianorum cæ, tu exclusisti, uno verbo, illam Remp. cui nullam hodiè neq; ævi diuturnitate, neq; iuris æqualitate, neque Libertatis conservandæ studio, neque Civium concordia, obedientia, neque fortasse rerum gestarum glória, parem videmus, gubernatione, quantum in te fuit, orbasti, & tâquam informe cadaver esse voluisti, capite ei sublato, & adempto. Quod sanè factum, quanquam à te, id est, à communi omnium Christianorum parente, eoq; optimo, & Sapientissimo profectum, haud perinde tamè, si sunt vera, quæ audio, cunctis probatur: magnorum enim motuum origo, et Italiæ calamitatum seminarium futurum putatur. Itaque ut sunt libera hominum ingenia, & à consuetudine jam impetratum est, ut populus sit Principum iudex, eorumque non solum facta, sed etiam dicta in disceptationem vocet, non desunt, qui obloquantur. En, inquit, qui pacem alere, incendia extinguere, bellâ finibus Italis quam longissimè arcere debuit, bellorum ipse auctor, & concitator est factus. En qui navem è medijs fluctibus in portum tranquillitatis perduciturus existimabatur, statim ut gubernaculo admotus est, in scopulos, in syrtes eam adegit. At quam Urbem perturbandam, & infectandam suscepit? sam nempe, qua nulla religiosior, & Sanctæ Romanæ Ecclesiæ addictior: quæ si non extaret, summo Italia careret ornamento, res Christiana præsidio

præsidio Libertas per fugio, natura miraculo: quam ipse immortalis
Deus, per mille ducentos annos, sartam tectā, integramq; servavit: quæ
pro Pontificibus maximis, non opum tantum, non pecuniarū, verum
etiam sui fuit ipsa sanguinis prodiga cuius amplitudine & incolumi-
tate nihil Sedi Apostolicæ conducibilius, periculo & calamitate nihil
calamitosius posset accidere. Hoccine humanum facinus? hoccine
tam boni, tam pij, tam amantis officium Patris? At quas ob causas tam
acriter in hanc urbem ense distrinxit? ob istas planè, quod Patres illi
gravissimi, ne fortunis omnibus exuantur, ne, quicquid sub cœlo Veneto
homines arant, ferunt, ædificant, omnia veluti quodam Oceano Eccle-
siæ absorbeant, nihilque sibi reliqui fiat, unde Remp. Patriam, tecta,
templa, aras, focos, sepulcra maiorum possint defendere, providen-
dum: & inconsultam hominum liberalitatem spoliantium suos, ut
Ecclesias ditent, non tollendam illam quidem, aut impediendam, sed
moderandam non nihil putarunt: Quod Sacerdotes facinorosi, Fori præ-
scriptione cuncta sibi licere arbitrantur, post scelus admissum exultan-
tes, ante oculos Iudicum audacter volitantes, de legibus, de Magistra-
tibus, de Iustitia ipsa profligata, victa, conculcata, triumphantes ferri
non potuerunt: Quod Monachorum opulentissimorum, qui fundis
perpetuarijs inhiabant, & plerosque mortales spoliare, sua autē com-
moda augere in immensum studebant, nimia cupiditati obviamierunt, &
pro Laico contra Canobium iudicarunt: Postremò, Quod ne hostes
pro Civibus, oppugnatores pro propugnatoribus, Lupi pro agnis, intra
Urbium suarum viscera, clam, palam versari & pro sacellis castella, pro
aris arces exstruere possint, prospexerunt. Hæ propemodum B. P. Sum-
morū, mediocriū, infimorū sunt voces. Hi vulgi rumores Cuius sanè vul-
gi iudicium nullus Princeps bonus unquam contempsit: quæ iccirco cō-
memorare non alienum putavi, quod huiusmodi querelis ad Principū
aures accedere volentibus, sepius aditus intercludi solet. Sed ne
populari sermone, & inconditæ multitudinis opinione ad causæ huius
atrocinium abuti velle videamur, age rem ipsam putemus.

Obijcitur Venetis Senatusconsultum, quo bona soli Ecclesijs legar-
ea demum lege permittuntur, ut intra præstitutam diem, precio eisdem
Ecclesijs adnumerando, vendantur. Quid tandem novi, quid insoliti,
quid iniqui Senatusconsultum hoc habet? An non vetustum, tralaticium.

longo iam vsu receptum, moribus vtentium approbatum, tacito consensu, vel loquenti, vt ita dicam, silentio multorum Pontificum confirmatum? Quis est enim qui sibi persuadere possit, Pios, Paulos, Sixtos, Innocentios, Alexandros, Iulios, Leones, Gregorios, Clementes, alios innumerabiles, hanc rem ignorasse? Scilicet Veneta Ciuitas obscura, aut extra anni, Solisque vias sita, vnde raræ Romam litteræ, rarus nuncius? Scilicet apud nos non ordinarius Pontificis interpres, qui quæ in Senatu aguntur, eaque præsertim, quæ ad Ecclesiasticæ rei statum pertinere existimantur, statim perscribit? Quid igitur causæ fuisse dicemus, cur res tam vsitata, tam antiqua, adeo te commouit, vt tantam, tamque periculosam tempestatem excitandam putaris? Quânquam quid de hac lege tanquã apud nos nata, à nobis primùm excogitata, disputo? An non existat apud alias gentes, & nationes? Tacebo de Gallis, Hispanis, Lusitanis. Annus humanæ salutis 1266. agebatur, cum in Anglia (Hem; quid ad nomen Angliæ substitisti? non de hac Anglia, quæ nunc est loquor, sed de illa veteri, quæ studijs, animis, opibus, fuit cum Ecclesia Romana coniunctissima.) Annus igitur 1266. agebatur, cum in Anglia sub Henrico tertio Sancitum est, ut nemini homini liceret, dare prædia Collegijs Monachorum. cui Sanctioni, anno 1290. illud additum, ut non liceret etiam Monachis, aut alijs Sacerdotibus, emere possessiones; quoniam possessiones eiusmodi Cœnobiorum, aliorum vè Sacerdotiorum dotes fierent. quam legem ad Manumortuam vocarunt; propterea quod res semel datæ Ecclesijs, & Collegijs, velut mortuæ vsui aliorum mortalium in perpetuum ademptæ essent. quæ lex diligenter servatur, sic, ut nihil possessionum Ordini Sacerdotali à quoquam detur, nisi Regis permissu, ita monumentis Anglicis proditum, quem locum integrum totidem penè verbis haud piguit recitare. Quid hic quæso dicetur? Henricum tertium hominem impium, aut impurum fuisse? at fuit religiosissimus, omnes, qui eum insecuti sunt, Reges ab Ecclesiasticis institutis abhorruisse? at quid Edouardo tertio, Henrico quinto, Edouardo quarto, Henrico septimo, pietate præstantius, rei diuinæ studiosius, ad sacerdotium colendum, iuvandum, augendum, promptius, aut paratius? Hi igitur tanti, tam pij, tam religiosi Principes hanc legem non abrogassent, si iniquam, si repugnantem Ecclesiasticæ Immunitati, si ab eo, cui ius non esset legis condendæ, latam iudicassent? aut, si ipsi vltro abolere noluisent, non Gregorius decimus, sub

quo est lata, non alij, qui postea summum in terris apicem obtinuerunt, ut abolerent, mandassent? atqui nullus mandavit. Quid igitur aliud dicere possumus, nisi eos aut ignorasse, aut neglexisse, aut tacite consensisse? Ignoratiois tot Pontifices vigilantissimos condemnare, turpe: Negligentiæ, nefas. Restat igitur tertium, ut & scisse, & non neglexisse, sed consensisse cogamur confiteri.

Sed age, missa faciamus exempla, Nil horum sit, ne sit antiqua lex ista, non aliunde ad nos manarit. non à Regibus pijs condita fuerit, & servata. non eam Pontifices taciturnitate coniuncta cum scientia comprobant, sit recens, sit nostrum inventum. Iusta sit, nec ne videamus; & rationem indisputando sequamur ducem. Aiunt qui Ecclesiastici iuris apprimè retinentes sunt, ob Murorum custodiam, etiam Sacerdotibus pecunias imperari posse. At, Deus bone, quæ nam sunt Venetæ mœnia Civitatis? Montes: Maria: Flumina. Quæ nam excubiæ? Copiæ militares multis in insulis maris Aegæi, præsidij causa, collocatæ, quadraginta triremes, quæ Adriaticum sinum tuentur. Arx Palmæ, cuius edificatio nummum aureorum vicies centenis millibus constat: annua verò custodia centenis millibus. Cuiusmodi Arcem si olim fauces Italiæ habuissent, nec Hunnorum, nec Turcarum, nec aliarum nationum aliqua hæc irrumpere potuisset incurfibus. Cum igitur tam immanem vim auri Venetus Princeps in tot copias, tum maritimas tum terrestres, alendas impendat, quæ nostris mœnibus præsidio sint, & ideo etiam à Sacerdotibus pecunias iure posset exigere, quod tamen non facit, adeo ne indignum. & non ferendum facinus cuiquam videatur, si bona apud suos cives asservanda curavit, ut his saltem tributa possint imponi? Etenim sine tributis quæ pecuniæ supperent? sine pecunijs quæ poterunt militibus dari stipendia? sine milite quæ poterit adversus hostes armatos esse defensio? An expectandum, dum sint ad portas? dum Urbem oppugnent, & circumvallent? & tum demum ad Sacerdotes qui nobis opitulentur, confugiemus? Næ haud quisquam tam prudens auctor mihi persuaserit, potius extremum subeundum discrimen, quam id ne subire cogamur, prævertendum.

Boni Principis est, antequam legem sanciat, bonos, sapientes, ac fideles amicos in consilium adhibere; cum his omnia communicare; singulorum sententias exquirere; meliores probare. At quibusnā consultoribus Principem Venetum usum arbitraris, tum cum factum est hoc

Senatus

Senatusconsultum? odio ne, aut invidia in Sacerdotes, in Ecclesias, in loca pia? minimè verò minimè. Etenim ita facti, instituti, atque imbuti sumus, vt & interno, & externo cultu religionem veneremur, quam qui maximè, vt templa cupiamus esse quàm ornatissima; vt in vsu pauperum aut noua quotidie ædificia exstruamus, aut vetusta, iamque collabentia iustauremus; vt Sacerdotium piè colamus, libenter iuueamus, largè augeamus; vt rei diuinæ quodiæ non interesse, nefarij sceleris loco ponamus; vt omnia prospera nobis euentura pietatem colentibus arbitremur, aduersa spernentibus; vt, quòd ex paruis initijs ad id magnitudinis & Vrbs, & Resp. nostra peruenerit, puro, integroquè diuini numinis cultui, qui semper apud nos viguit, potissimum referamus acceptum. Quinam igitur nostri Consultores fuerunt? Patriæ caritas; Publica utilitas; Populorum salus; Prisca, & vno eodemque partu, cum Vrbe Veneta, nata, & nunquam, vt speramus, Vrbs ipsa dum stabit, moritura Libertas. Et quod de huiusmodi Consilij sententia decretum sit, iustum nec ne sit, dubitamus?

Apud quandam Italiæ Urbem lex est, qua mulier filios habens ultra dena ex singulis centenis legare prohibetur. Quis hoc audito non continuo exclamet, legem hanc iniquam, impiam, nullam esse? at vir omnium diuini, humanique iuris consultissimus, & sui sæculi præstantissimus, & valere, & iustam esse respondit: idque ex auctoritate Diui Augustini, qui tantum non detestatur eos, qui vt Ecclesias instituunt hæredes, filios exheredant. Conferamus nunc, B. P. Legem illam cum nostra illa à decurionibus alienæ ditioni subiectis condita est: hæc à Principe. illa certum legandi finem præscribit. hæc nullum. illa sine exceptione loquitur: hæc bona vendi iubet, nisi tamen aliter Magistratibus visum fuerit. illa filiorum commodum respicit: hæc Patriæ incolumitatem, amplitudinem, dignitatem, quæ profectò Patria filiorum, parentum, vxorum, affinium, omnes denique omnium si quæ amplexu, & gremio continet caritates. Sed si illa valida, æqua, iusta, quam multis partibus nostra validior, æquior, iustior? at de qua Patria conseruanda laboramus? de ea sanè, cuius nobilitas tanti est, vt plerique Italiæ proceres, Pontificum maximorum nepotes, Reges etiam exteri, eius se participes factos, non indecorum putarint.

At enim Leges omnes Principum profanorum, quæ de Ecclesiis, Ecclesiasticisvè rebus, aut personis quippiam statuunt, infirmæ, irritæ, nullæ sunt, ideoque abolendæ. Prouinciam sumseris grandem B. P. si omnes-

2
omnes hasce leges abolendas curaris. Quæ enim in Italia Civitas, quod oppidum, qui pagus, vbi eiusmodi aliqua lex non exstet? Quod si regna & provincias exterâs peragremus, quam multa itidem Decreta, Edicta, Constitutiones, de religiosis, quibusdam Collegiis non admittendis, de Ecclesijs non ædificandis, de Sacerdotiorum possessione, iniussu Principum non adipiscenda, de funerum impensis minuendis, de Magistratibus profanis, in causa Decimarum adeundis, de alijs huiusmodi rebus, reperiemus? Itaque aut hic orbis cardo non solum magno cum sonitu, verum etiam cum summa rerum omnium perturbatione tibi vertendus est; omnes populi, Reges, Reguli, nisi leges has aboleuerint, execrâdi, dirisque devovendi sunt, & tota, ut sic dicam, fulminum istorum officina exhaurienda; aut, quæ diuturno usu, & tacita Pontificum assensione, interpretationem certam, & confirmationem quandam iam habuerunt, minimè sunt mutanda.

Quamquam, si quid veri video, Senatusconsultum ad Ecclesiasticas res non pertinet, sed ad eas, quæ nostri sunt iuris, neque enim quæ ante Senatusconsultum legata fuerant, vendi mandat, sed ea tantum, quæ postea legabuntur. Quare, quemadmodum longo intervallo hæc inter se distant, vtrum scilicet Lex puellam iam cœnobium ingressam, an ingressuram paternâ hereditate excludat, ita etiam vtrum iam quæ sita vendi iubeat, an quærenda, longum esse discrimen, nemo qui paulò attentius ista perpendat, poterit diffiteri: atque hoc fortassè rei caput est, in quo tamen explicando iccirco sum breuior, quod mihi tam perspicuum videretur, ut attigisse, & indicasse, sit satis. Tua igitur summa prudentia, summaque ingenii, & doctrinæ præstantia, an hoc ita sit, uti dixi, etiam me nullas ad id demonstrandum argumentationes afferente, facile cognoscet. Nam ad reliqua festinat oratio.

Imminutæ Ecclesiasticæ Libertatis reos nos facis, propterea quod Clericos aliquando in vincula conijci, & capite luere scelerum pœnas iubemus. Vtinam, B. P. ætas hæc nostra eos Sacerdotes haberet, de quibus merito dici posset, Nolite tangere Christos meos, nullibi eorum dignitas maior, quam apud nos foret. Sed res longè secus se habet quam pauci enim sunt, qui ordinis, muneris, & sacrorum memores, uti deceret, ætatem agant: quam contra multi, qui non à stupris, non ab adulterijs, non à cædibus, non à veneficijs, non à parricidijs abstineant, aut si quid gratius potest excogitari. Et quisquam huiusmodi homines Sacerdotum, aut Clericorum numero habet, qui se non modo Sacerdotes,

sed ne homines quidem esse meminerunt? quisquam horum supplicio
 parcat, qui nulli flagitio pepercerunt? quisquam eos vinculis eximat, qui
 se ipsos omnium facinorum vinculis constrinxerunt? quisquam Eccle-
 siasticæ Libertatis mentionem facientes audiat, qui omnibus vitijs tur-
 pissimè seruiunt, & seruiunt? O infelicem Libertatem, sub cuius cly-
 peo seruitus ista tam foeda latere audet. Huccine res redijt, ut, quæ ad di-
 uinum cultum inuitare debuit, ea ad nequitiam, ad scelera, inuitamento,
 & incitamento, (nollem dicere, dicendum est tamen) etiam præsidio
 sit? quid enim aliud nunc apud quosdam sacris initiatos ista Libertas,
 quam peccandi licentia? Et miramur, Pater sanctissime, si Princeps opti-
 mus, & grauissimus eiusmodi homines, vel potius monstra teterrima fer-
 re non potest? At suum iudicem habent, qui de eis suppliciumumat. Fa-
 teor: ideoque non delicta leuia, sed atrocia, truculenta, nefaria, Magistra-
 tum nostrorum iudicijs vindicantur. nec verò lex Pontificia hac irre-
 nobis aduersatur: quin fauet maximè, & vltro gladium porrigit; nec ex-
 pectari Episcopum iubet, cuius auctoritatem infirmiore aliquando
 potentiorum hominum audacia facile perrumpit, eludit, contemnit.
 Quid igitur nobis succenses, qui ea facinora tantum coercemus, quæ le-
 gum ipsarum permisso licet? Quid, quòd duodecimum iam sæculum
 est, cum hic grauiora Clericorum delicta puniendi mos apud nos viget?
 Quid, quòd nullus vnquam eum Pontifex improbauit? quod certe, ali-
 quis fuisset, qui fecisset, si iniquum, & non ferendum iudicasset; præfer-
 tim cum ab eo anno, quo Urbis nostræ fundamenta sunt iacta, vsque ad
 hanc diem, ferè ducenti Pontifices numerentur; in his permulti, qui opi-
 nione sanctitatis, & miraculis claruerunt, & in Diuorum numerum sunt
 relati. Tu ne igitur, B. P. tam antiquum Morem antiquandum, tot Ponti-
 ficum Maximorum, qui ante te fuerunt, tacitam approbationem impro-
 bandam, tam diuturni temporis vim oppugnandam, immortalitatem ip-
 sam quodammodo abrogandam putas? Quid enim aliud est, mille du-
 centorum annorum Consuetudinem delere conari, quam immortalita-
 tem, si ita fas dicere, morte mulctare? An te præterit, tempus esse, quod
 iniustæ quoque Possessionis vitium detrahit? quid efficit, ut bona minus
 bonâ fide ab his, à quibus ad nos peruenere, quasita, eo iure obtineamus,
 quo qui optimo? quod regna, & Imperia per scelus parta cõfirmat? quod
 fortasse fuit in causa, cur Dominus, & Liberator noster tributum Casari
 non solum ab alijs soluendum censuerit, sed & ipse persoluerit? Quod si

hæc parum te mouent, quæ certe debent mouere plurimum, an ne illud quidem mouebit, quod Consuetudo vetustissima priuilegij loco habetur, & quod eius auctoritate fit, tam iure fieri creditur, quam si Princeps, cui ius concedendi, sciens, & prudens, id ut fieri posset, concessisset? Mihi id affirmanti non credis? at tibi ipsi credito, Cum dico, Tibi, dico, Academicis omnibus: omnibus, qui vbiq; sunt, aut fuerunt, Iuris peritis, quid enim tu aliud, quam Sedes, domicilium, & receptaculum omnis Scientiæ, in primis que huius iuris, quo Christiana Resp. gubernatur? Fac igitur Venetos, ut ea lege, quæ est, de Sacerdotibus à Magistratu profano non plectendis, eos solueres, à te petiisse; causas, cur id sibi concedi deberet, commemorasse; te eorum postulatis annuisse; Priuilegium irrogasse; in tabulas publicas referri iussisse. quæso, vellesne, etiam si maxime posses, illud nunc irritum facere, rescindere, abrogare? Equidem si tuam summam sapientiam, summamque animi moderationem recte noui, non faceres: & si quis tibi, ut faceres, persuadere conaretur, ita forsitan responderes Venetorum pura, incorruptaque religio erga Sanctam Romanam Ecclesiam fides mihi est optime perspecta, & cognita. Pignora habeo bella pro Sedis huius defensione suscepta, Sanguinem pugnando fustum; Imperatoris filium in nauali prælio olim captum; Imperatorem ipsum ad pacem, & veniam petendam adductum, Põtificem suum in locum restitutum. quarum rerum memoria exstabit, dum orbis exstabit. Scio eos non odio in Clericos, sed quo facilius à flagitiis absterreantur, hanc in eos iuris dicendi facultatem petiisse, qua etiam mitissime, & moderatissime sunt vsi. Cur igitur Principi ornatissimo, Senatoribus religiosissimis hanc infamiæ notam inuram, ut, quos pios, Sacerdotij colentes, Ecclesiasticæ Immunitatis propugnatores censuerim, nunc impios, sacri ordinis hostes, Ecclesiæ oppugnatores videar iudicasse? Licuit mihi fortasse initio non concedere; hunc iniuriûm, concessa adimere, & ad nihilum reuocare. Fruantur igitur, fruantur Priuilegio, quo non tam ditio- nem suam augent, quam meam tuentur. Eorum enim manus, meæ sunt manus: mihi Sacerdotes in officio continent, mihi corrigunt, mihi puniunt. Hæc tu, inquam, B. P. aut, quæ tua est grauitas, multo etiam grauiora. Sed si diplomati in membrana aliqua exarato tantum tribueres, ut abolendum non putares, quid vetustissimæ, & ab Vrbe condita hucusque perductæ Consuetudini facies, id est, Priuilegio non in delectis tabellis relato, sed inciso in æs ipsius quodammodo Aeternitatis? an adhuc fortas-

se, quæ contra à viris præcellentissimis disputantur, apud te plus valebunt quid simile, aut par? Confer, si placet. Illa pia: hæc iusta. illa genere vera: hæc specie. illa Pontifex probes. hæc Princeps teneas. illis oblectere: his obligere. ac ne illi quidem viri eruditissimi, qui in hac causa in nos tam acriter sunt inuerti, hoc fecissent, si nostræ Ciuitatis iura didicissent. Sed aut in ea pedem nunquam posuerunt, aut biduum tantummodo commorati. aut in aliena Rep. curiosi esse noluerunt. Ne longum faciam, summa hæc esto. aut tu Urbem nostram tibi funditus euertendam sta tue, aut Mores cum muris. & fundamentis ipsius Urbis natos, constantissimeque firmatos sine nos retinere: quorum alterum optare, hostium nostrorum, siqui tam immanes, tam barbari sunt acerbatis, & sæuitiæ est: alterum facere, æquanimittatis, & prudentiæ tuæ.

At Veneti, inquires, parum æqui in Religiosos, qui bonorum Emphiteuticorum ad Ecclesias reuersiones lege lata sustulerunt: & cum ea de re inter insigne Cænobium, & Laicum quendam controuersia esset, pro Laico contra Cænobium iudicarunt. hoc enim est tertium, quod magni criminis loco nobis obijcitur. Hic ego si alio essem ingenio, aliis moribus, quæ vela possem orationi pandere? quam alitè exordiri? quam longe, lateque expatiari? qui mihi sese aperiret campus, de immensis Monachorum Copijs, opibus, laicis fundijs, redditibus annuis, villis, oppidis, urbibus, quæ in eorum potestate sunt, de sumptuosis ædificijs, hortorum amœnitatibus, equorum nobilium gregibus, aliis id genus commodis, & delitijs, quibus affluunt, differendū quam facile hæc omnia in inuidiam, in odium possem vocare? præsertim cum dicerem, eos nec concionibus habendis, nec confessionibus audiendis, nec ægrotis inuisendis, nec mortuis humanandis vacare, sed ab omnibus plane officijs, quibus humanæ vitæ societas continetur, feriatis, velut inutilia, terræ pondera, in umbra, in ocio confenescere. Sed nemo expectet, dum à me hæc instituat oratio non est modestia mea, non religionis, non pietatis, stilum veneno armare, in eam præsertim ordinem; ex quo tot clarissima Ecclesiæ lumina effulserunt; qui infelicibus illis Hunnorum, Gothorum, Longobardorum, aliarumque eiusmodi nationum temporibus, litteras penè morientes ad vitam reuocauit; qui Pontificum seminarium, Regum recepraculum, Principum portus, ad perfugium fuit; qui hodieque tot, tamque nobilia & erudita alit ingenia, quorum otiosis laboribus non solum hæc ætas, sed & omnis posteritas illustrabitur. Impij, quidam homines, diuini nu-

minis contemptores, religionis irrisores impura lingua, & calamo, in ce-
 rum illum venerabilem debacchari, fas arbitrentur: alia ego incedam
 via, alia defensione utar. Primum enim illud dico, præstantissimos aliquos
 iurisperitos sensisse, Ecclesiam vectigalem agrum ad se reuerfum, eius
 qui nouissimè obiit, propinquo petenti debere omnino concedere. Lau-
 dandorum, ut mos, auctorum labore supersedeo, quid enim opus? apud
 te potissimum B.P. qui totum vitæ curriculum in studijs artium bona-
 rum consumpsisti; omnium iurisperitorum volumina diurna, nocturna-
 que manu versasti; ad Pontificatum administrandum non solum eximi-
 am quandam vitæ integritatem, piamque voluntatem, (quod ipsum per
 se maximum est) sed etiam admirabilem diuinarum, humanarumque
 rerum cognitionem attulisti: ad te ipsum igitur hac in re confugio, tuam
 testor, & imploro fidem, qui hæc optime memoria tenes, qui que non i-
 gnoras, Ecclesiam, ceu bonam matrem, lac suis debere sufficere filiis,
 non subducere. Deinde nego apud nos legem vllam existare, quæ agrum
 Emphiteuticum ad Ecclesiam reuerti vetet, nisi si quis inter Censum, &
 Emphiteusim nullum putet esse discrimen: quod certè est maximum.
 Nam ut viri doctissimi prodiderunt, qui agrum Emphiteuticum possi-
 det, vtilis tantum dominus est, directus non item, at qui censuum, & vti-
 lis, & directus. Hinc ager census apud veteres, qui poterat emi, & ven-
 di. Quod si de Emphiteusi in lege nostra verbum nullum, cur obsecro
 abolenda? cur non potius summe laudanda, & approbanda? facebant o-
 lim in his regionibus loca deserta, squalida, vepribus obsita, mersa palu-
 dibus, de quibus recte diceres, nec fertilis illa iuuenensis, nec pecori oppor-
 tuna seges, nec commoda Baccho. Ea principes viri, aut Ecclesiæ, quæ-
 rum sub ditione erant, nonnullis habenda concessere, ea lege, ut aliquid
 annuum soluerent, ne penitus immunes viderentur. Hi cum se non con-
 ductores, sed dominos esse intelligerent, nec vnquam futurum putaret,
 ut quisquam eis, eorum nepotibus diceret, Hæc mea sunt, veteres mi-
 grate coloni: pauperes primum lares ibi posuere, rarisque tectis mapalia
 habitare: deinde ætatem totam in fodiendo, tuncando, euellendo, aran-
 do, contriuere. Nati ibi filij, Nepotes, Pronepotes, & post longam anno-
 rum seriem, tota facies rei mutata: ut quæ agri illi steriles, horridi, insecu-
 di, siluestrem animum, & aspectum exuerint; ut pro lupis, & apris, ou-
 um greges, pro ferarum latibulis, villas, pro dumis, & iuncis segetes, pro
 acmoribus vineas cernere liceat, effectum. quæ loca nunc agricolæ sua

regna appellant. Aequum ne igitur eorum possessores nunc inde expelli, ut Ecclesia, quæ pietatis est cultrix, hæc omnia auferat, rapiat, in sanguinem, succumque suum convertat? An non de ea diceretur id quod olim dictum ferunt de Fisco, nempe lieni similem esse, quo intumescente, ceteri artus macie conficiuntur? Idcirco ne igitur Principi nostro dies dicenda, sacris interdicens, imperium prope abrogandum fuit, quod legem sanxerit plenam æquitatis, & pietatis? quodque ea statuerit quibus ciuium, rusticorum, opificum, omnium denique Reip. membrorum salus continetur, sine quibus salva ipsa esse non potest? Equidem haud sum ignarus, cum Princeps nullam regni tuendi curam suscipit, gubernacula abijcit, omnia vastari, deripi patitur, nihil non auaritiæ, aut libidini familiarium permittit, solitos esse Pontifices se interponere, rei labanti subuenire, regna etiam ad meliores transferre. at, quod ob Remp. seruata, bonis legibus septam & communitam, exoratio, sacrorum interdictio, à corpore Ecclesiæ auulsio sit consecuta, nunquam fando auditum. Sed de re dilucida nimis multa. Quare venio ad quartum caput, quod & postremum: idque paucis absoluo.

Accusamur, quod Aedium sacrarum nouæ, inscio atque inconsulto Principe, substructiones, lege à Senatu lata, sunt interdictæ. In qua tandem Vrbe homines summi illi quidem, atque perboni, bonitate tamen sua, non aliena malitia, non horum temporum conditione, non insidiarum, quæ quotidie Principibus tendi solent, vitandarum difficultate, omnia metientes, & humanæ cautioni nihil loci fermè relinquentes, hoc disputant? an non in ea, quæ primum ædes Publicolæ, domini ipsius iussu dirui vidit, propterea quod editiore loco constructæ essent, & idcirco regni ab eo affectati suspensionem liberæ Ciuitati iniecissent? Laudatur igitur Populus Romanus, quod ob vnâ domum in aliquo vrbis cliui, ad vim ceteris Vrbis partibus inferendam, idoneo, ædificatam, Libertatis amittendæ metu, perturbatus, commotus, atque exanimatus est; Laudatur itidem Senator ille optimus, & præstantissimus, quod demoliri domum maluerit, quam non hanc ab se suspensionem amoliri. Nos accusamur, deuouemur, damnamur, ob eam rem, quod ne templi specie iugum aliquod seruitutis nostris ceruicibus imponatur, multo ante prospeximus. Laudantur itidem Accusatores nostri, propterea quod summa ope nituntur, ut Vrbes nostras in aperto discrimine versari, tormentis quati, occupari, in hostium potestatem redigi

patiamur. Quid enim aliud dicunt, qui nos ad legem hanc a brogandâ adigi volunt, nisi ista propemodum? Nolumus vos, Veneti, cautos esse, non vigilantes, non de Imperio, & salute vestra conseruanda sollicitos, nolumus animi aciem longe protendere, nec quæ possunt accidere, præuidere. nolumus scire, quid domi vestræ agatur, qui homines Vrbes vestras ingrediantur, quid struant, quid moliantur. Liceat vnicuique per cuniculos, per prodicionem, vestra inuadere. Vos interim dormitote. Hæc, hæc dicere videntur, qui legem oppugnant. quæ cuiusmodi sint, Pater sapientissime, ipse perspicis. At domus priuata longe discrepat templo. Vir religionis veræ expers, homine Christiano. Quis neget, sed quid prohibet, quin templum munito loco positum, aut à malis Ciuibus, aut ab exteris hostibus occupetur, & ab vsu salutari ad exitialem transferatur? Scilicet expectare debuimus, dum moles aliqua surgeret, murorumque ingentes minæ periculum grave nobis minitarentur; & dum Laocoon aliquis exclamaret. ô miseri quæ tanta insania Ciues? Hæc hæc in nostros fabricata est machina muros. Inspectura domos, venturaque desuper vrbi. An non fuit satius, huic malo occurrere, & ne inscijs, & oscitantes opprimamur, præcauere? Quod si quæ ædificia solo nostro imponantur, scire, nostra nil interest? an etiam, qui sint, qui adificient, scire, nil refert? Si regiones proximæ pestilentia laborarent, portas vrbiū clauderemus, aut custodiendas fidis hominibus mandaremus, quis hospes aduentet, profanus, an Clericus, vnde profectus, quas merces vehat, exploraremus, & nisi codicillos salutare proferat, aditu prohiberemus, ne morum, aut religionis contagio, sub ignota facie ad nos serpet, & nostris in Vrbibus domicilium sibi constituat, non enitemur? Impedior verecundia, ne sim longior, in ea præsertim re, in qua Senatus Veneri non solum prudentia, verum etiam religio, & pietas maxima elucet. Quare finem facio.

B. P. summum te immortalis Deus rerum humanarum ad culmen euexit, pulcherrimam Europæ partem ab omni perturbatione vacuam tuæ custodiæ commendauit, & tradidit. Nihil tibi sit antiquius, quam vt quo in statu eam accepisti, conserues; reminiscere, quam soleant æternis litterarum monumentis illi Pontifices celebrari & in cælo poni, sub quibus pacata omnia: quam contra illorum memoria iniucunda, quorum ductu infausto, aut nimia asperitate, nostro, aut externo sanguine campi redundarunt. Cuius scintillam è filice excutere ignem que accendere, in manu est; at cum flamma omnia corripuit iamque

violentior, & robustior facta est, ne si cupias quidem, & summa ope contendas, possis extinguere. Propone tibi ante oculos multas, & magnas nationes, quæ pugnandi occasionem hiantibus faucibus expectant, & aut tuo, aut nostro cruore diurnam sitim explere cupientes, huc ad primum timpani sonitum, aut tubæ clangorem, torrentis instar, sunt irrupturæ. Haud ita facile existimes, Reges, quamquam maxime pios tuam sese ad causam adiuncturos. Vident suæ nunt patientiæ periculum fieri, in aliena causa. Vident, si hic mos inualuerit, regna perturbandi, populos ad defectionem impellendi, omnes ad arma concitandi, huic, ut legem ferat, illi, ut abroget imperandi, vana apud se honoris insignia, apud Pontifices regiam potestatem futuram. illud etiam te, æquum est, cogitare, Immunitatem istam tacito gentium studio, & cōsensu Ecclesiæ, Ecclesiasticisque personis delatam, humanitate, benignitate, officijs, retinendam esse, non vi, non minis, non execrationibus, extorquendam. alioquin euenturum, ut non Immunitatem, sed Immanitatem plerique omnes eam appellent. molles, & delicatos esse magnorum Principum animos, qui cogi nolint, sed allici, postremo illud identidem tecum reuolue, & nunquam ex animo elabi finas, nullum deterius consilium capi posse, quam si quis leua dexteram studeat amputare.

Sed o ego imprudens, atque adeo stulticia ipsa stultior, qui hæc tibi suggeram, Summa in te, B. P. prudentia est. Qui igitur per te ipse non videas, quæ rerum moles impendeat, quæ tempestas, quam turbulenta, & periculosa cooriat, nisi te ad lenitatem des, & rem dexteritate quadam, tranquillum in Statum adducas? Summa in te bonitas. Qui non his publicæ quieti consulere, cum facile possis? Ceterum Deus Opt. Max. tuæ consilia dirigat, eam que rationem ostendat, qua Urbem omnium pulcherrimam, nobilissimam, Christianissimam, non modo à te non disiungas, verum etiam summo tibi beneficio obstringas, Italiæ pacem, populis hilaritatem, exteris quiescendi, & abstinendi voluntatem, Romanis finibus securitatem, omnibus, mortalibus tui nominis admirationem parias, & caritatem.

FINIS.

Varsanorum 1626. 26 Febr.

Audire dixisse R^m Legatum h^odo verba: Habebant
lespita^s pro suo favore sententiam: Si h^odo ita sunt
requiro iudicium. Nam enim dicit sedem summam
ad favores inclinare. Christus est Veritas, Via, pax
Vicarius igitur Christi est Vicarius Veritatis, Vi
atq; lucis. Rapprochy ad personas quascunq; aut fa
vorem leniter fuit diffusivus. Sciunt autem h^odi m^u
dum iudicaturum de iudicio aut Rotae aut summi
Pontificis. Si quid diversum fiat, lapides atque clama
bunt. Unionem nobis ne sanctus quidem Paulus per
suasit, qui sanus artes omnes lespectus tam probe
quam septuagenarius aliquis lespecta, aut et plus. Re
velabatur aliquando interum nos philosophum et
id considerabimus: Eius, Unum, Verum, Bonum converti.
Magno intervallo distant Unum et Verum. Unū est
Unum. Verum multa continet. Lapis d^u orem
appetit, Unionem appetit. Vult enim carnem eius
in suam hoc est lapⁱ carnem converti. Multo h^odo
Unū exemplar per occasionem tradit R^m Legato.
Vale. Ciceronis 26 Febr. 1626.



SIN e CERE monais
Si quid habes lesu vita ne gram hli partem
Qui foculum fingit latho vaser rapiat.

Gdy na Gmh
ka eddit Bill
pa p p p p p
vignu p p p p p
Mox Vider X p p p p p
legi in dca
notu
p p p p p
m p p p p

Biblioteka Jagiellońska



stdr00000560

Biblioteka Jagiellońska.

